

簡松草堂詩集

簡松草堂詩集卷十

錢唐張雲璈仲雅

分詠泰安古蹟四首

菟裘城

左傳隱公十一年使營菟裘杜注魯邑在梁父縣南今縣東南

九十里近梁父

鍾巫事去神靈往不比從前佑狐壤翻教一祭伏  
禍機爲氏之討亦奇枉當時若卽朝羣臣立暴大  
罪誅姦人踐阼本足輔幼主兄弟無閒君臣親青  
天白日見心事自令鬼蜮消紛綸不然反政亦宜  
速急流勇退完吾身菟裘欲營何不早將授之說

徒因循如養反使巧言入讓桓有志無由伸卽今  
遺蹟空增惋誰使紛紛兆齊亂雄狐奇禍非偶然  
車上有人能拉幹

曬纓臺

相傳孔子聞孺子歌處岸石屹然名曬纓臺

濯纓本無心曬纓亦何意當年無其事今乃有其  
地滄浪西來渠水清但聞澌澌波流聲卽今孺子  
歌猶在行人盡識高臺名君不見臺傍水流長不  
濁只許濯纓休濯足

五大夫松

泰山御帳坪上

祖龍登山風雨逐鬼馭神鞭吁可怕倉皇暫止大

樹底翠蓋亭亭護秋駕爵酬第九五大夫不識官

號以數呼五株之封久傳會傳譌千載增虛胡當

時所止僅言樹以松實之更何據五大夫本官名而歷代皆傳松

有五唐人禁中春松詩亦云不羨五株封其譌久矣其實漢書言始皇登太山中遇暴風雨休于大

樹下因封樹爲五大夫并不指稱松也彼樹翻遭攀帶褫至今指點

知何處不如朝陽洞口處士松一株獨立羞秦封

大夫之名豈所屑一夕拏雲竟化龍朝陽洞北松曰處士得

曰獨立大夫明時一夕風雨失其樹惟禡在焉

投書澗宋胡安定讀書凌漢峰下十年不歸見家書有平安字卽投之

澗中因名

安定讀書凌漢峰峰前深澗藏蛟龍家書往往投  
澗底當年空有平安封紛紛尺素長拋棄何用頻  
年遠相寄此心若果久忘家不須更看平安字投  
書不使心胸攪料無消息還鄉城十年力學世所  
罕我謂此事非人情

久之明府招同高小琴楊建杓遊百丈崖  
觀龍潭瀑布歸拜三賢祠至普照寺茶話  
賦紀四十韻呈明府

山近氣候涼季夏暑猶薄曉風蕭然來吹我出城  
郭城郭去不遠早已具巖壑昨登泰岱顛勝處領

約略傳聞百丈崖奇秀鬼斧斫籃輿試往探無慮  
雙脚弱明府屏騶從同我腰筍縛青山起當面一  
一見圻堦導之令人前佳境漸不惡犖确行徑微  
每欲礙芒屨陡然橫大澗勢若天半落蒼壁立萬  
仞疑有巨靈拓如壘磨上盤如架梯上閣如屏遠  
開障如劒快露鏑如猛獸伏背如夜叉展膊凌空  
似崩墜乍過足屢躩區區顧此身萬一成肉靡遙  
聞巨雷聲相對每錯愕奔湍去不止濺沫萬珠躍  
仰觀雲霄閒飛泉挂簾箔寒氣散細雨灑向人面  
著定知箕尾閒銀漢盡翻却神龍住深潭蟠屈似

尺蠖何年化丈夫斯語母乃繫

見昆志

一泓沁心脾

冷冽誠可酌欲跨潭上去所恨無略約石滑屢傾

踏氣向潭底索

是日子踏地二次

同人譁然笑驚起山半

鶴出山逐流水不斷勢聯絡回望來時路重複疑

鑣鑰荒祠禮前賢丹碧漉榼樽孫公首尊王微言

欣有託徂徠辨賢姦北走譖何虐雍雍胡先生投

書澗如昨三人同俎豆斯文振木鐸沿緣普照寺

晏坐春茗淪門前界塵石松影長漠漠

普照寺有松一株最

佳恍然心目閒懸溜尙磅礴惜哉兩分袂南北行

設各

時予將南歸小琴亦就試京兆

相期共重來毋使留宿諾

留別久之明府二首

來時把袂喜深談，去日驅歌咽兩驂。  
回首岱雲山下路，心情如在兗城南。  
甲辰六月與久之相見於兗城，共登南樓賦詩而別，忽忽五年矣。

風光澹沱雨餘天，無那臨歧倍黯然。  
最憶白龍潭上坐，對君如對在山泉。

明府偕署中諸同人祖道城南別後感懷  
卽用送別元韻却寄

涼風掃雨放朝晴，四面雲山翠黛明。  
祖帳易生知己戀，塗歌猶識長官清。  
何妨浪跡桑三宿，未免離



懷酒半醒默默心期還北望靜中愁數馱鈴聲

泥塗

泥滑愁行役程遙轉憶家險常占習坎滯每見需  
沙馬惜障邊錦人思漢上槎行藏有如此遲速莫  
深嗟

野宿

終日行泥淖孤村欲到難未曾經水宿且復戀風  
餐敲枕星光大披衣露氣寒蝦蟆驚客夢闍闍報  
更闌

途中卽目

別意憐明月行程恨曉霞

田家占朝霞不出門  
霞行千里蓋晴雨之兆

也

鳥衝天末樹馬喫路傍花雨足騰騰溜波深岸  
岸沙長途愁溽暑翻羨野人家

山左田禾甚佳日來霖雨閒有損傷者賦

此志惜

偶誦坡公句風來夏隴香塍交千頃碧穗熟一分  
黃天意長仁愛人間重蓋藏頗聞多暑雨未免說  
農妨

登燕子磯兼遊永濟寺歸船賦得燕字

危磯瞰大江取象掠波燕凌雲欲飛去宛轉仍復

戀石脚插江底隱約或露見急湍灑飛雨忽作過  
顛濺藤蘿絡灌木濃綠聯一片扁舟艤岸左微徑  
却如綫是時夕陽西金碧耀臺殿振衣上危亭岌  
岌江風旋此磯在當時初不隔江面何年成夾江  
頗與行舟便不知江流遷抑或石勢轉沿緣更西  
去望見招提院三門護脩竹叢筱密如箭鑿山安  
花宮永合佛座奠大石塞空際下漏日氣睨山僧  
石同貌與石相隱現何來杪欂子只向遊客銜僧  
售抄欂子 暝色催回船舟子解行緯臥看長江天  
云治胃氣 雲霞態萬變

金陵大報恩寺

長干大道亘紅牆阿育猶傳古法王萬里江山環

棟牖千年煙雨護齊梁花宮畫壁秋無影

寺壁所繪諸天

畫師湯洪匪筆

紺塔明燈夜有光欲問前朝金像在惟餘

松檜落空堂

建康實錄載晉丹陽尹高惺得金像事亦見梁書

嘉定衛秀才奎山

開文

善五行年八十四

猶赴試金陵作詠懷五古一章以見志予

見而異之因次原韻奉贈

大壽非倖邀奇遇當俟命峩峩奎山叟兩目巖電  
曠八旬復逾四腰脚健猶振槐花十七踏筆與寸

心競會當大比年時作彈冠慶

天子壽無疆闢門顯賢俊跋扈少年場誰識老子  
興平生珞球學排指見前定言數不言理數精理  
愈勝非同談天衍快辨蝨捫縕文章及藝術一一  
皆可信風簾官燭光華髮自相映諒無倒繡譏定  
比下水迅佇看老龍頭自作風雲陣豈乏梁灑名  
唱出萬人聽

秦淮客舍對雨

秦淮秋景似春殘樓閣溟濛獨倚闌賺得阿儂添  
半臂雨絲長帶六朝寒

一片銀河澹不收  
無端風雨動清愁  
今朝閒煞涼  
篷子多少珠簾未上鉤

迷離樹色是誰家  
幾度句留不見花  
尙有客愁消  
未盡綠煙紅霧鏤琵琶

桂花香裏暮雲深  
半作寒潮潤客襟  
三日莫愁湖  
上坐當年風物似而今

壬寅冬偶來金陵泊石城  
下對雨三日賦白下風懷

二十首距今八年矣

隨園謁袁簡齋先生四首

才華祿命兩難并  
奇福如公孰與京  
天付瑯嬛爲  
地主人從喬嶽仰英聲  
畫屏共識江州面  
剡曲終

留賀監名見說門前多問字一生對客眼長明  
文章如此合千秋萬里江山助壯遊司馬始堪居  
洛下東坡何用乞常州片雲自護終南氣一石能  
迴砥柱流只恐藩籬窺未得到門先看竹修修  
小徑升堂許共攀置身真覺遠塵寰長留花月神  
仙地穩臥蓬萊侍從班壇玷直持千載上功名多  
擬五湖閒我來欲下天人拜豈爲閒園一往還  
靈砂貯篋骨難堅自笑頭銜人不遷養鶴未謀田  
二頃當門空抱瑟三年何曾溫卷投光範合有良  
金寫浪仙披拂春風舊桑梓已勝絲竹待彭宣

雨花臺

蕭梁重佛輕天下，勅降紛紛建蘭若。春秋九廟麤  
代犧，梁肉不御以身捨。城南高臺踞岡阜，俯瞰城  
闕似平野。樹色猶含六代青，江聲只聽千年瀉。雲  
光法師爲講經，臺上天花如雨灑。曼殊陀利兩芬  
芳，當日何曾辨真假。傳聞花自天女散，結習除時  
身不惹。不知風雨臥臺城，可有天花吹滿把。我來  
遊覽增歎息，懷古深情結癡瘕。南朝煙雨總荒涼，  
豈但臺空拾級寡。

客舍聞試院鼓角



秋宵珠斗見斑斕  
鑠院沈沈鼓角閒  
急點打殘聲似雨  
壯懷催動氣如山  
森嚴自覺千門靜  
約束眞同萬馬班  
人語不聞天路遠  
只餘寒柝落塵寰

練川朱梅圃

縣生

就試金陵與予邂逅鳳

池書院投我以詩因賦酬十六韻

海內逢迎少天涯  
意氣多廿年紅土踏  
三宿白門過有客  
居廊廡無人問嘯歌  
詩篇埽風雨辨論決  
江河歲月心空壯  
文章事不磨夙歡非  
贈編乍見勝依蘿  
醉後成豪放燈前說  
轍軻才華聲似虎名  
利角如蝸樺燭連心  
熱油簾著影摩人閒  
量玉尺

天上照金波。紙落春蠶響。吟鑄石鼎訛。雄文無點  
竄。大府自搜羅。字豈千金易。花宜兩鬢皤。莫嫌成  
邂逅。相顧勉蹉跎。吾黨交非濫。平生識貴和。他年  
頻訪戴。春水漾單舸。

秋風

我本傷秋客。秋風聽最難。一年愁到耳。萬事怯憑  
闌。宋玉悲長在。歐陽讀未殘。生來腸似火。不許爾  
吹寒。

大風泊燕子磯。洪濤掀簸竟夕不能成寐。  
愴然感懷。

一粟浮身一葉舟，乾坤萬里入清愁。那堪雁冷猿  
哀夜，來聽龍吟虎嘯。秋天上主生還，主死人閒埋  
骨不埋。憂傷離感逝無窮，淚灑向江波。總合流。

己酉小除日亡女阿鸞殤已一朞感懷二

首

蓀驂魂稚不堪招，但見天涯總帳飄。憐爾一棺蕭  
寺冷，殘年風雪又今朝。

早折猶憐未下殤，逼除風物轉心傷。不知何處爲  
男去，腸斷人閒鄭采孃。  
鄭侃女采孃，悔作女身死而轉男，以名叔子見桂苑叢談。

題柳柳泉采藥圖

善言不離口善藥不離手卓哉孟舍人斯語吾俯  
首昔年李重規百藥名豈偶如何多病身今復見  
我友開卷丰神清共識屯田柳靈山多上藥采擇  
良不苟都籃氣芬芳一一陳雜糅捆束兩奚奴底  
用大力負我聞鹿門山龐公昔攜婦臺佟鑿穴居  
自給等糧糗許邁居桐廬餌朮三年久更聞王宏  
之貂裘忘好醜槐山有偃佺行步及馬走王烈入  
太行石髓得數斗羅浮軒轅公來往毒龍守是皆  
采藥蹤君乃踵其後胡不向蓬萊中是神仙藪又

或入衡山兩兩石困培餐霞服金丹換骨長不朽  
君聞莞爾笑此意吾所否昔遭金鑠鑠方書時在  
肘三百六十味欲待兩端叩養生固可學吾豈事  
矯揉不見李少君成藥竟何有更嗤姜大夫常春  
空漬酒卽此長生意君已得八九無病亦無藥更  
爲君轉剖安心卽是方坡言君當取對君識神完  
再拜祝君壽

營兩先人窀穸山中感述五章

我方成丁男遽令爲鮮民父宦沒京邸呼搶遂莫  
伸徒跣奉旅櫬歸向西湖滸一厝赤山陽二十有

五春歲時祭殯宮霜露所必親自從去故鄉未免  
懷因循因循豈吾意此意難具陳回頭看棠梨泣  
下時霑巾

稱孤必屬父稱哀必屬母此例今人遵吾意常所  
否蓼莪賦哀哀父母義皆有無怙而有恃伶仃猶  
可守無怙復無恃何以恤我後父母一不諱卽已  
成孤哀抱恨難兩分悲風從天來

葬期有月數今已成古風江左嚴停喪著爲令甲  
同意雖教孝思尙未得其通孝子懷追慕刻木且  
肖容親身雖不見猶與棺槨逢如何親纔亡遽掩

黃泉重苟非有大故何忍遂忽忽古人不合葬尤  
非人情中聖人葬其先已合防墓封親沒有先後  
不妨待其終既葬而復啟反恐驚幽宮昨歲母見  
背遺我終天恨去父廿載餘才覺目一瞋長埋永  
不見含痛在方寸我父上大夫三月期本近葬遲  
古所譏斯語不可訓

淮陰營高敞旁可萬家置歐陽阡瀧岡爲文表其  
事文章與功業古人兩不媿而我皆無之空有臯  
魚淚卜吉九曜支迎抱出右臂西來水勢曲幽澗  
松翠被其中開元堂庶幾得蔭庇翰林吾舅氏墓

門近可企設林舅氏墓  
卽在山下 旁有叔父母骨肉永不離

叔父墓  
在左 於以妥先靈往來應可亟我非陶士行安

望牛眠地世無王壽昌安識野駝異

母就兄微祿去鄉過十年亡來兩載餘始葬明湖  
邊不能生奉歸而乃沒後旋親雖安抔土兒尙無  
一椽如何故鄉中翻比異地遷親在雖蔭茆無計  
出萬全親沒化神靈定當蒙佑憐不願猗頓財不  
願金張籍但願早歸來薦此一盂麥哀哀父母心  
母但愛松柏

湖上喜晤簡齋先生因呈長篇



我昔未識公先讀公文章疑是國初諸老名姓  
揚宛陵施新城王小長蘆叟相頡頏公於其閒定  
伯仲豈僅後起爲騰驤思之不見生慨慷去年至  
白下石頭城畔秋雲涼謁公小倉之山房招我列  
坐春風堂見公精力殊康彊浮浮陽氣滿大宅耳  
白於面言非荒思公大著對公貌始幸同此日月  
光身世陡覺非尋常恍然位置天人歿投詩再拜  
乞公語不惜齒頰垂芬芳今年營葬歸江鄉偶然  
小住明湖塘乍聞公來一葦杭斯言未信空相望  
誰知舟已維沙棠相去不過八九坊掘衣趨隅喜

欲狂豈敢倒屣煩中郎示我一卷書篇什絡繹羅

巾箱賤子居然厠其列母乃學步增慙惶

去秋在隨園呈

七律四章蒙刻入續同人集

更有詩話一十有八卷零章斷句

皆收藏公嘗以此量天下奔走才士來趨踰大壑  
一一龍魚翔是乃愛才若渴意甚摯亦復誘掖獎  
勸心何長藉公不朽寵不忘惜哉閒桃李不得長  
傍公門牆我欲畫之比放翁團扇日日相攜將我  
欲繡之比平原買絲安得良工良不願相對成參  
商但願公如老人星一歲得再見春秋之分引領

瞻南方

簡齋先生舊宰沭陽五十年後復遊其地  
因畫重到沭陽圖自爲記文并題二律和  
者甚衆予亦繼作

雲外雙鳧落羽翰宦遊還憶舊時歡卽今重到疑  
仙境忘却閒身是宰官故吏曾牽花下綬羣公親  
負馬前簡當年老幼攀轅日可惜無人畫與看  
橋邊車馬乍紛紛地主招邀禮數勤往事尙談新  
令尹居民爭認故將軍水經飲後清無滓花再看  
時氣倍薰今日披圖頻指點莫教悞惹北山文

乾隆庚戌恭逢

萬壽恩科外舅嵇相國重遇恩榮 詔賜預宴

海內歌頌盛事雲璈與有榮幸私紀以詩  
書生之貴誰與同六十年後成三公宰相之奇那  
有此六十年後猶進士

皇帝庚戌春普天同慶稱八旬 玉階頒詔賢才

掄錫山相公乃是人中麟居然重見科名新當年  
一勝四百又一人四百人之福壽無其倫至今獨

讓太平一老爲元臣巍巍我舅氏錢唐梁文莊第

三及第名姓揚與公天路同騰驤

舅氏梁文莊公  
前庚戌探花先

公十八惜哉期頤之年不得如公長我戴千佛經

轉令感渭陽

恩賜恩榮重預宴徐黃史後今

四見

國朝重真恩榮者先是有徐公元夢黃公叔琳史公貽直

宮錦還從袞

冕加白頭又許簪花戀注罷上清籍識面來羣仙  
頗聞笑語春風顛謂此玉筍班乃有上相名姓居  
其前豈料二十八科舊先達來作一百四人新同  
年是科進士止一百四人

輓周小濂四首

江風江雨滯歸橈  
問傳來隔遠潮  
永訣早從千

里別

予以營葬歸橈而君卽不起

躡魂難作四方招  
維摩久病

心先嬾吳質  
長愁骨易消  
淪落人間三十六  
豈綠

騎損玉龍腰

用唐詩人潘佑事君年適當是數

客裏心情感歲華江東才調總堪誇已憐阿稱悲

仙管

長吉學語呼太夫人曰阿嬾亦曰阿稱見義山詩注

賸有平陽怨落花

君無子惟孤女三人

流水前身空駐影芙蓉小郡暫爲家寢

門風義如君少回首人琴重歎嗟

寒燈塵影手空持追憶前歡淚更滋嘉會難分明

月句

戊申冬君集同人以二分明月揚州分韻賦詩

交情長負菊花時

和子

君菊詩八章由是訂交

誰言天上差偏樂其奈人生鬢易絲

莫喚菴名作離相而今諸相已全離

離相菴君書室顏額也

升堂圖史尙縱橫已覺重看似隔生賓閣乍虛苔

有跡琴歌初斷燕無聲寫書空博頭銜署焚草終  
留身後名君臨終時盡焚其詩草總帳風來靈欲語如煩惱  
屣一相迎

送兄赴官津門三首

涼風秋八月兄去津門道津門去何爲官路殊杳  
杳下挈孩稚孫偕行孺人嫂浮家而汎宅行李紛  
如草向我說別懷未免憂心悄淮揚富鹽筴求官  
人所禱來此十餘載作宦偏遜巧處脂不自潤入  
山未見寶長蘆地素瘠微祿焉足飽我獨不謂然  
事固難預曉旣云定數定自有造物造好者可以

惡惡者可以好人生天地間往往受膠擾安知此  
一役不能暢懷抱勿嫌出處遲但願奉身早五十  
雖始衰五十未爲老努力重努力認此雪泥爪  
自我成丁來幾及三十霜少小與兄依別緒未久  
嘗三年茗水上十年西湖塘近今十五年隨宦來  
維揚中雖分攜多終覺聚首長兄今遠行邁從此  
各參商兄如天邊鴻何處謀稻梁我如梁上燕何  
處栖華堂不知何時見不見永相望不知何時見  
得見亦匆忙行者固異地居者豈故鄉客中復作  
客出門增彷徨客中復送客入室更黯傷兄以官



爲家萍梗猶可將一旦得其所意氣當勝常惟我  
去住難身世尤茫茫人生到此境直如棄路旁誓  
將返故土此願何由償回首望邱壟邱壟上牛羊  
小念父母恩止知顧復計長念父母恩始識終身  
義老念父母恩全家大關係家有父母在如氣出  
一鼻家有父母在如物得所繫父母一不存已覺  
骨肉離父母而偕亡難免兩拋棄自從來揚州奉  
母版輿莅朝從母所遊暮從母所憩融融一家中  
有若兒嬉戲一朝賦蓼莪此身無附麗手足雖連  
枝各自有所累合者久必分同者久必異不能論

其情但能論其勢乃知此以前盡是母蔭茆並非  
處富貴此盛已難繼不過暫團樂區區不予畀送  
君登行舟濟焉自出涕哀我亡父母念我寡兄弟  
得家兄淮北信

差喜平安字偏傷別後魂斷鴻江北路瘦馬鄭西  
門落拓訓朋友難難憶弟昆臨風頻望遠細雨濕  
衫痕

秦州分司姚晉巖輓章二首

會聞多恙罷朝參豈料維摩竟臥龕兩世才名喧

大府

君先人素山先生亦分司秦州

一生官閣住淮南魂歸自識

蓉城樂老去應知  
蔗境甘舊有寢門  
風義在琴歌  
聲咽聽何堪

持檄長安未許辭  
歸來瘦骨已難支  
風前一鳳凌

霄冷雲外雙鳧落羽遲

君以病中督饌入都轉劇次公鏡潭右史請假侍歸

長公柳衣明府赴靖江任便道省視抵家才十日

閱閱人傳華屋貴賓僚

惟見素車馳阿兄  
定抱羊曇痛不及  
西州駐馬時  
家兄向爲君屬吏  
先期北去不得一展靈幃

舟中夜坐書懷

風急燈前照不眠  
孤篷萬慮鎮相牽  
托根小草寒  
無地垂翼冥鴻遠  
各天半數親知如點鬼  
難成事

業等求仙卽今壯志多消歇除却書生未肯憐

天女散花圖爲梁念閻題

病裏維摩丈室寬紛紛花雨落無端生平怪煞優曇現只向空中一霎看

一樣人閒粉黛春鶯鴻意態舞鸞身自家色相難空却強把閒花惱別人

禪心結習已全忘正要天花作道場悟徹風前簾溷意便教沾著也何妨

春風吟

朔風自多寒春風自多暖但願朔風去不願春風

緩春風吹來何款款都道眼前生意滿朝來盼春  
風春風乃吹陰雲之色千萬重旭日不到扶桑東  
暮來盼春風春風又吹雪花六出飛長空高下但  
見冰霜封誰言春風本無力小草有時好顏色誰  
言春風終無權居然自占東皇天年年空說春風  
好不怕春風吹不早只怕吹來依舊徹骨寒無數  
梅花臘前老

二月二日記救雀事

春寒閉閣坐門外跡如埽靜聞拍拍聲意是過飛  
鳥俄頃聲愈急疑有物剔剔出戶試探觀其聲在

竹杪諦視有小雀被物相纏繞如挂玄鳳翅如折  
仙鼠腦有翼難奮飛有頭難屢掉不言對以臆畢  
命恨不早主人惻然念急命長竿嫻徐徐挑取之  
連彼竹枝拗去其所束縛一一除苦惱雀喜不暇  
謝決起跡已杳何不暫留連反怪情太少凡物數  
前定有命終自保玉環底用銜吾每鄙楊寶

西湖寓樓雜句十首

湖上樓高晝不扃閒牕長日對西泠怪來曉枕寒  
于水爲有羣山壓夢青

春波吹上綠雲天看遍朝霞與夕煙不道此中能

著我風光直似小遊仙

憑闌日日看人行一帶垂楊管送迎水上遊船隄  
上馬與儂相見太分明

招賢寺古足煙霞小住湖墻便當家一徑松陰山

翠合無人來問紫陽花

子寓居葛林園卽古招賢寺白樂天紫陽花詩序云

招賢寺有山花一株無人知者色紫氣香芳麗可愛頗類仙種因以紫陽名之

孤山亭子鬱崔嵬不見寒香處士梅明月一丸當

面落夜深可有鶴飛回

樓正對孤山

出門一步卽迴塘半是天桃半綠楊我住湖邊二

三月飽看西子作濃妝

山南山北共招邀  
跨徧晴虹是六橋  
十萬桃花塵似海  
盡隨湖水漾紅潮

湖山神廟枕湖滸  
便有天風埽劫塵  
願與羣仙供使令  
香臺長作護花人

當時題徧冶春詩  
檀版齊歌絕妙辭  
十六年來塵滿面  
湖煙湖雨繫相思

年來湖草太紛紜  
差喜今年漲碧沄  
安得坡公施

大手兩湖老葑捲蒼雲

東坡詩云我在錢唐拓湖

橫絕天漢上北山始與南屏通忽驚二十五萬丈

老葑席捲蒼雲空蓋詩史也西湖近年葑草日長

水落時彌望四塞有水利之責者其留意焉



送女娶于歸金氏

嫁女思相離三夜不息燭斯語出禮經我嘗黯然  
讀不謂事竟至遽令心感觸請期冰泮後媒氏走  
相告日入已三商御之敢嫌速須臾青驄來金勒  
嘶躑躅繼以綵輿降流蘇紛四角汝母含酸辛爲  
汝施膏沐汝父本長貧媿乏好裝束耀首無金珠  
華體鮮羅縠纏笄與綃衣惟用作禮服敢謂氣如  
蘭敢謂顏如玉持此詩書教慰彼衣冠族我有千  
百言不能向汝囑恐汝傷其心對我噉然哭家庭  
在必和戚黨在必睦惟茲一二語嗚咽爲汝勗遠

父母兄弟大義無反覆猶幸可歸寧庶以慰心曲  
嗟我去故鄉苒苒年十六本無一稜田兼少數椽  
屋汝將何所歸此恨知汝獨聞道夫婿佳和諧可  
預卜要知綢繆義但看三星煜要知昧旦心但聽  
鳴雞喔

湖塘卽事

天外湖光接樓頭岫影分落花紅壓路芳樹綠連  
雲蝶過都成隊鷗飛不離羣西冷歸未晚閒愛坐  
斜曛

思歸圖 并序

予自丙申歲去家客揚州蓋思歸者屢  
矣而境遇牽率遂忽忽十有六年雖春  
秋上冢偶一歸來歲不過再至居不過  
旬月睹故里之山川對曩時之親舊流  
連慨慕夢寐形之然後知昔人安土之  
義良不可易而輕去其鄉者之卒不能  
無悔也夫習處則生厭而久離則煩憂  
者人之常情也里巷少年局縮戶牖每  
思壯遊以紓其懷抱而旁觀者又多援  
志在四方之說以勵其行及客之久則

見故鄉之人而喜矣客之又久且聞故鄉之名而亦喜矣歸愈難則思念愈苦向所謂紆懷抱而志四方者大率皆客氣也況予以兄宦之故家無一椽不得已而客于揚今兄宦更遠予復以無家之故不得已而仍客于揚其客也非予之意其不歸也更非予之意一枝誰借入口無依又安得不抑塞憤懣而思之且甚邪庚戌辛亥兩春連以事歸寓西湖者稍久吾友奚子鐵生暨表弟高邁菴

爲子作思歸圖二燈一爲江北諸景寫  
望歸之思一爲湖上諸景寄戀歸之思  
也他日梓里官旋與親朋話舊酌酒彈  
琴展玩此冊當必戰然一笑但未知竟  
在何日也因序其顛末而系以三斷句  
無著閒身未許寬不營什一不求官一條歸路如  
絃直看去分明蜀道難

升天何用說淮王縮地惟堪羨長房縱使浮家成  
故事不應浮去到他鄉

雲山畫出鄉愁遠詩句吟來客思新惟有燕城萬

行柳年年青眼看羈人

舫課行

西湖志載明萬歷閒巡鹽御史葉永盛於跨虹橋西集諸生授以題命就舫屬文花洲鷺渚任其所往少焉畫角一聲羣舫畢集各以文進而定甲乙名曰舫課後卽其地建書院今崇文書院是也  
想見一時風雅盛事爲作舫課行

世閒奇麗那有此天把西湖作才子化工幻出大手筆秀壓寰區歎觀止使君悟得文章法驄馬行

行大隄踏欲將山水助文心一縷清思靈氣合湖  
波杳渺湖山空柳陰盡舫排西東褒衣大袂儼然  
至一一揚袂春風中使君談笑去莊肅不肯逢人  
加縛束本是雕龍繡虎才跳臥何妨隨所欲煙汀  
露渚任嬉遊咳唾因風盡珠玉吟聲響落岸花紅  
墨氣濃熏嵐黛綠傑句驚人死不休山鬼偷看不  
敢讀一聲畫角晚雲涼齊見歸船來續續絕似班  
師唱凱還定有奇功蒙首錄吁嗟乎論文如此信  
有神憐才如此始覺真天機所貴在活潑防閑俗  
例徒紛紛校人之魚比場屋

見國學  
紀聞

功令所在常

逡巡文章本自在天地使君一力還其淳不愁天  
下無佳文但愁不遇葉使君葉使君誠難遇跨虹  
橋畔孤山路二百年來講院開猶識當時風雅處

喜嵇久之明府都下札却寄

時明府以催  
科被議蒙

恩仍予原官

仙鳧朝向 玉京天忽漫雙魚達遠牋自說陽城  
甘下考人歌子產已三年庭闈暫喜萊衣舞赤緊  
仍看墨綬牽竹馬早聞迎境上重來更識使君賢

節孝王母汪太君詩

并序

歙人王君元文其大母行略云大父邦



重公初娶大母洪太君無出繼娶汪太君生先考鶴年公大父客淮上曾大母羅太安人年高先考生二歲而大父沒于旅邸汪太君聞訃欲殉者屢矣自念襁褓兒乃王氏五世一綫所繫未可以一死塞責乃隱忍抑哀家無儋石營十指濟衣食以養以撫羅太安人年九十四而終先考長而服賈能奉母矣守志三十年年五十三而棄養又一年始得請 詔旌其門而大母不及見矣將

歸葬結林元文徧乞題辭徵及賤陋敬  
書一章附諸公之後

王君志表揚一一先世列具言大母生平之苦節  
我讀其辭徵其實再拜留題歎奇絕奇不必捐軀  
亦不必割耳勞面驚庸愚能將一身延此五世不  
絕之一綫其事纔覺真艱虞堂上白髮姑懷中襁  
裸雛夫子作客棄中途殉觀束手無良圖此時辦  
一死亦足報吾夫夫心雖感目則盱誰養我母存  
我孤惟有緩死求須臾上奉甘旨下含舖十指如  
鐵營所需衣裳顛倒鬢髮枯兒長服賈牽牛車阿

姑弄孫日歡娛一家融融樂有餘豈知母心三十  
載千回百折常縈紆若非松柏性安得冰雪終弗  
渝 朝命寵錫榮其閭如此之人乃不及下壽徒  
令觀者仰首綽楔生嗟吁三棺迢遞歸佳域賴有  
賢孫述祖德不用生時酌一觴從此年年共寒食  
行略云歲時太君常酌酒以謝先大父於地下王君王君母大感豈不聞  
至今衛婦與桓嫠青史垂名誰不識

家畜一貓以其不馴擾放之城外越十餘  
日忽自歸予義之因作放貓歸貓二詩

放貓

瓦溝容汝作生涯放逐恩深未許嗟金鑲任隨胡

蝶影

平陵國有貓帶金鑲飛若蛺蝶見西陽雜俎

蒼苔空戀鼠姑花呼

來仙洞原無分望到紗帷事已差若遇連山重畜

取問名依舊是吾家

用張搏好貓事

### 歸貓

依羣戀主兩心兼歸到房櫳定不嫌別後久虛金  
薤簞迎來應省綠荷鹽仍牽綵縷尋芳徑又帶鈴  
聲上畫檐損我杖頭重豢爾穿魚還折柳條纖

簡松草堂詩集卷十一

錢唐張雲璈仲雅

兵部郎張君

裕寧

予戚好也今年五月十

日以咯血卒於京邸將歸其櫬於河南故里泊舟張家灣未解維夜大風雨洪波衝擊船覆行李盡沒家人輩僅以身免而其兄明府某竟死於水蓋七月九日事也予聞而駭悼因爲詩以紀之

鴝鵒叫樹天撒沙長鬼夜入宏微家郎官屋搖黯欲墮一十五點無光華張郎從此成永訣伏枕日

歐數升血血氣常濃藥氣微自是生來腸太熱洛  
下遙遙二千里魂雖還鄉魂不喜忽然天風夜半  
起濁浪排空如壁壘加以注雨不肯止長檣倒折  
舵樓圯吹掣帆篷如裂紙風聲雨聲兼哭聲直恐  
震聾天帝耳可憐人力竟難施船背分明作船底  
同舟共命空掩面四十餘人齊覆水忍死須臾  
已明小船戢戢來救生生人都向鬼手奪死骨更  
與蛟涎爭張郎有兄死醜斷河伯硬差上鯨背昨  
日心傷雁陣前今朝身墮龍宮內我聞此事心悲  
詫天平肆虐吁可怕寡婦孤兒眼已枯道上行人

齊淚下

閣學王西莊先生失明已二年矣今春得  
閔生鍼治復明賦四律以誌喜予從同年  
李嗇生教授齋中得讀之予於先生有淵  
源惜未得一見顏色因次元韻託教授轉

呈

渺渺層波翳片雲誰將妙手埽游氛魯陽返日人  
皆擬合浦還珠我更云喜有神鍼煩扁鵲何須藥  
錄問桐君集中方技應成傳舊史先標第一勳  
磨鏡元功世所希早從內視識先幾肯容鬼作雙

九換自覺神堪入極圍

魏都賦入極可圍于寸眸

書記綠筋名

有數士逢青眼願非違尋芳遊侶應爭羨笑看吳

鞵認路歸

擁書萬卷比連營警校千言落筆成如水清光終

不俗逼人危語敢嫌盲蒲桃歷劫還垂相龍樹何

緣更乞明我未識公巖電樣虛慙門下作門生

雲璈

房師三原李澹園先生丁丑出公之門

聲名共仰華嵩孤快說今年換碧牘阜染羅屏空  
作障光分藜杖豈須扶定知細字無停腕想見長  
吟有斷鬚誰似方瞳多老壽山中宰相與人殊



得家兄補官之信

好官遠不妨貧官遠疑謫官好易爲家官貧不如  
客兄官遠且貧況年逾半百精力未全衰鬚鬢已  
盡白所賴得升斗豈敢較寸尺雖喜祿仍需又慮  
地太瘠無此固難爲有此竟何益賀者昨在門笑  
語方啞啞不知是故吾而乃謂荆獲

去年秋八月送兄河之千三日不得發相對涕洟  
瀾轉瞬今一載又逢八月殘迢迢津門道魚雁望  
平安聞兄補舊職使我愁顏歡書來說貧窘尙覺  
餬口難我爲揚州客萍梗尤可歎莫就仁祖食不

累閱叔肝二十七種鮭空笑庾郎寒兄爲宦途貧  
我更羈旅單有官且如此何況于無官

閉門

閉門如空山終日風埽竹颯然涼雨來濃亞一庭  
綠湘簾漾微波薤簟展寒玉陰蟲咽苔階蒼鼠竄  
瓦屋秋氣日以至客意良苦獨苟無素心人何以  
致款世

同年嵇籬浦運使蒙

恩奪情起用都轉長蘆此異數也喜呈六章兼送

行旌

祥琴未鼓爨桐焦 丹詔俄傳出絳霄幾載功名  
驚虎變全家人物歎龍超有官每自思元保弄印  
誰能易趙堯禹筮動關天下計本來經濟鼎常調  
當年綸閣說楊常此日頭銜氣更揚

公初以右史  
佐郡人多以

不內擢爲惜未十  
年而都轉兩粵一蹴青雲原有路萬重滄海本

難量仙樓舊護金銀色堊室新迴日月光江國故  
人渾似螿也應驚起滄雷傍

牙旗又指直沽紅日近長安咫尺中嶺嶠故侯思  
父老圻南新節迓兒童油幢吟對婆蘭雪畫戟香  
殘舶趁風見說阿兄如舞鶴定應翹首望羊公

茵溷雲泥已各天，休從四海說同年。  
相逢我作甄長伯，此去公如賈孟堅。  
豈許求官憐鼠目，由來騰上識鸞肩。  
當時記得屏風樣，還惹劉郎一惘然。

頻年蹤跡滯江城，鄉思羈愁兩合并。  
安邑有肝憐閔叔，監河無粟貸莊生。  
吹來斷梗原難定，引到纖蘿豈少情。  
知己盡從天上望，可能容我御風行。

屢分良袂見應稀，又聽鳴笳上帝畿。  
津樹未迎

英蕩遠江風，先送錦綢音緇飛。  
離情催舞新黃葉，明

發愁懷慘紫衣。天際一行孤雁在，稻梁生計未全

非。家兄爲公屬吏，故有第三首及此云云。

翌日復得八絕句再呈籓浦

鳳詔催人未許停  
伯鸞溪上暫揚舲  
從今四海爲霖去  
惟有龍山入夢青

讀禮歸來制未終

皇恩原自許通融  
卽看銜

上書權字半慰蒼生半慰公

服闋再行實授  
詔許暫署俟

祿格曾教滯宦程  
謂公前不忽然身作御風輕  
升

天三十丹梯級原向人閒穩步行

西曹名譽占星班

謂筮軒  
比部

泰岱

久之

深州

孟階  
刺史

兩

豹斑見說謝家羣  
從盛一時低首向東山

玉堂人去劇淒迷  
猶見烏衣舊品題  
此日相公開

笑口可知裴眷有東西

自晴軒侍讀早世外舅相國每以門第爲念

簾外風花有夙因幾回惆悵是閒身相逢忘却雲泥隔應笑劉安悞寡人

求仙會共問胡麻路隔天台阻鈿車洞裏不知春

似海紫鸞閒埽碧桃花

乙未外舅主試戊戌晴軒分校子與公皆例不得試

禮部

鬚鬢相看已各蒼十年回首憶天閭盧敖未肯人閒老笑指雲中白鳳皇

客懷雜感十三首

翩翩雙鳥衣飛鳴繞畫梁呢喃語終日總爲營巢

忙朝銜春草綠暮啄春花香問渠欲何爲巢定雛  
可將其下有旅人對之生感傷作客十六年未能  
返故鄉故鄉在何處千里隔錢唐錢唐百萬戶衡  
宇多相望何乃無一廛予在路旁人而不如鳥  
此意增慙惶

錢唐一老尉初忤王相色知是同年生轉爲薦京  
職建業有進士貧作上都遊一干韓魏公遂得百  
千闕古人於貧交未肯輕棄置非關市私恩祇自  
傷同類今人棄如土往往秦越視有所挾而求終  
非其本志欲學何元靜齋名無不至不如禰正平

未嘗投一刺

杜周爲廷吏一馬且不全及爲三公久家貲累萬  
千雖其時不同此中亦有天劉龍爲太守名位豈  
不廣何至貧窶甚平居常恟怍慨然召左右乃作  
逐利想所志與事違宜爲鬼撫掌奢爲人所怪廉  
爲人所欽王陽洵奇士豈眞作黃金

梁朝有任昉平生廣交遊往來座上客翩翩皆名  
流號之爲任君尊與北海儔一旦身歿後諸子業  
不修孤寒難自振誰爲朝夕謀冬月尙葛練常懷  
北門憂當年舊交人相對眼如秋道逢劉孝標泣



然凝兩眸作論廣絕交疾之如仇讐五交與三贊  
足爲名士羞遂令到漑輩慙恨以几投我讀南史  
畢振觸胸中愁朝出遇貴人氣燄如五侯暮出遇  
貴人車前鳴八騶豈無任公子困苦不見收

白雲近日光自然見五色醜女生富家亦復好妝  
飾瓦松植高樓可以傲松柏紙鳶舞春風居然誇  
健翮始知天下事全在憑藉力此理吾熟知此境  
吾未得

同時兩鴻雁終朝見飛颺歸共覓棲止出共謀稻  
梁一雁雖得食一雁未飽嘗忽然一雁飛去止大

澤苑一雁遭棄置不得同翺翔暮宿江中沙曉啄  
草上霜江沙苦水深草霜嫌喙涼昔見蘆葉青今  
見蘆葉黃已知歲月晚難得生計良大鵬來空中  
勸之遊天閩東去有滄海南來有瀟湘春秋得攸  
居是可稱隨陽豈無凌雲翼何忍困榆枋不見寒  
號蟲尙欲傲鳳皇休待腐鼠來充爾鵙雛腸

范縝關因果作論難竟陵謂花同開落可以喻人  
生賤如落糞溷貴如拂簾旌貴賤雖殊途豈必前  
因仍此意雖甚達此說未甚精惜哉蕭子良不能  
再譏評花旣落溷中翻飛料不能人或困泥塗尙

可青雲升卽此大不同其理將何憑以之轉問范  
焉能守磴磴朝來日者過爲我談五行冀卜後來  
佳亦頗心怛怛但恐如飛花落溷不變更揮手謝  
日者吾將叩青冥

平居鮮嗜好乃至無一技飲酒審琦同圍棋葛洪  
比樗蒲與蹴鞠事事不如彼鬪雞及走狗尤素所  
不喜哄堂撒胡荻復不利牙齒不能弄絃索不能  
調弓矢自問無一可定爲人所訾近時尙徵逐惟  
此爲足恃以之相結交以之供指使視我如怪物  
謂世那有此我甘坐向隅焉足爲大恥此而不若

人譬之無名指

偶然熱客過向我通殷勤其說故誠懇似將肺腑親蠟言既已假樞貌安得真我欲效其語尋思了無因對之若默默又慮爲所嗔未免隨宛轉與之酬酢頻坐中有旁觀誠僞終莫分

偶有誣譏事切切向我友我友貌慨慷遇事輒肯首遲久竟杳然所望意殊否初謂暫遺忘未必終負負及其了不應十事常八九昨過廣座人道其要平可人頗怪此譽虛疑蓄不能剖細思乃悅然所稱固某某是皆居要津有命豈不受人微而言

輕宜向吾輩，且莫責彼諾。先欲緘我口。

城東一少年，與我沾葭葦。偶然得其志，氣與儕輩殊。自誇凌雲翮，一縱翔天衢。雖然矜人地，不知藉膏腴。隔我八九坊，終歲不造廬。趣向日以異顏色，日以疎親故。尙如此，有人那可問。此時尙如此，他日那可近。

揚州多富賈，大廈連雲高。門前車馬盛，門內笙歌嘈。司閹六七輩，一一長襦袍。行者爲駐足，仰之如絳霄。遲之才十年，轉瞬風輪飄。昨日過東家，門巷風蕭蕭。爲言主人死，事業如冰消。今日過西家，虛

館生蓬蒿爲言有訟事宛轉愁呼號家家題賣帖  
永閉雙環牢萬事若流水令我兩鬢搔富貴不可  
恃始覺貧賤驕

北方地高涼四十稱強仕南方氣卑濕三十衰已  
始嗟哉梁帝言其味深且旨古今雖不同可以通  
厥理顧協三十五帝言已如此我年更逾之尤足  
驚馬齒星星陸展髮茫茫昌黎視日暮途更遠河  
清壽難俟富貴莫太早太早脈風波高貴莫太老  
太老惜蹉跎梅花未免早芙蓉未免老芍藥與牡  
丹處時方盛好若作未開花生來不如草

教授李齋生同年保泰五十初度有詩述

懷奉和八章以當祝嘏

先生逸興海雲飛誰信騁駟肯受羈聞說諸公多

袞袞由來大德自頎頎

詩碩人疏大德之人其貌頎頎然長美君長身玉立

故云官居博士羊應瘦家住揚州鶴不肥四十九年

成然指豈真今是昨猶非

幾回翹首望天閭祝罷蒼華豈盡蒼未達宦途雙  
耳熱早成名第一心涼夢魂尙想櫻桃宴文字橫  
堆苜蓿腸莫道神山風易引有人海上歎汪洋

入世清才已足誇冷官何惜繫匏瓜韓非老子偏

同傳長吉青蓮總一家我輩難爲名士餅人閒豈  
少乞兒車朝來獨倚簾旌看指點前因說樹花  
慷慨悲歡總合并生來於世豈無情談深往事心  
多壯身過中年氣漸平騎馬不妨逢醉後昇籃長  
見踏花行定知好句飛胡蝶早有東坡識姓名趙謂

菘菘先生

當年秋勝月如銀玉筍班聯定風因得路君爲前

進士求官我是一生人

買婢未人人家者爲一兩  
生人見老學菘筆記

家同立程門雪

今方伯汪芾陂先生爲君  
庚寅座主予亦受業門下十載難

追冀野塵翻喜暫從萍梗地能令縞紵日相親



日日吹來絳帳風何妨學舍宛邱同十年交友無  
殘客一代能詩總寓公子夏但分冠小大放翁相  
近巷西東人生聚散搏沙似此會休言偶爾逢

客裏光陰倍黯然鸞飄鳳泊自年年落花久被封  
姨悞飛燕空教百姓憐歸去張融寧有屋寒來江  
革已無羶同心舊侶時相慰爲我衣裳每一寒

問字人多載酒卮識君猶未及衰時菊松且作韋  
公傲鱸雀能令郡講知跡似蘭陵曾力學年如常  
侍早工詩四句皆五  
十故事我來正值茱萸會莫便相看

鏡裏絲

謁趙耘菘觀察歸後復展甌北集快讀之

走筆爲長歌奉簡

讀詩未與公相見但識性情不識面見公還復讀  
公詩面目性情纔一片今人不敢薄古人良可愛  
古今何必分兩界公身本與今人居公詩早入古  
人派有時麗而雄直上閭闔排天風樽桑日紅九  
州曉千門萬戶開漢宮內有鼓鐘隱隱羽葆童童  
望之不可見疑在五色雲氣虛無中有時奇而險  
摩厲以須刃將斬語如齊諧未易測勢比岳軍那  
許撼大眼髻高繫繩走沈光肉輕透空閃臨崖能

垂二分趾殺賊全憑一身膽紛紛餘子舌盡橋坐  
令有口開不敢先生笑把降卒驅四十萬人都入  
坎有時與而博百家廿一史一一恣騰躍錦被策  
孝標寸粟疏沈約羊腸地惟崔隲知長頸事疑劉  
杳作呂蒙讀易囁相語崔浩爭義鬼爲愕戴憑五  
十席屢重長謙八千紙非略豈徒割錦昇邱遲定  
教開口唾鄭灼以公較之更綽綽恨無西崑箋敢  
將論衡攬讀之往往如異書疑入瑯嬛之洞天祿  
閣數其大者已難朽其餘衆家之長無不有開卷  
不知誰好醜但見少陵聖青蓮仙長吉鬼玉川怪

都來行閒絡繹而奔走讀詩我惟有一口作詩公  
如有十手不然何以使我披之不及覽之不盡只  
向空中亂點首玉堂仙人剖符竹更抗顏行換均  
服壯士帳中頭作枕參軍營前血書牘酒杯熱散  
鬼門雲臥氈冷藉尸陀肉虎牙兵代錦囊奴羊皮  
紙寫饒歌曲蠻姬織句馬前看戰魄聽詩山下哭  
公詩萬怪已惶惑奇境又復剗其局我讀公詩不  
敢熟只恐常在胸臆閒定有戈矛森森穿我腹天  
生人物自有數袁蔣同時名共著不能相越但措  
拄隨園老人幸早作前輩故得先公占聲譽西江

太史知鼎分掉頭竟爾修文去我曾見袁未見蔣  
如斯之人豈輕遇吁嗟乎如斯之人豈輕遇自合  
同將五體投屏圖絲繡黃金鑄不知何物狂書生  
長揖向公母乃倨桐鄉程孝廉拱字畫拜袁揖趙  
哭蔣圖謂公及簡齋心餘兩大

史也事見集中

讀西崑詠唱集書後

趙家咸平景德年館職獨數楊劉錢玉堂才子皆  
神仙聯吟應費銀光賤西崑別自成一體一代風  
華共相擬生來富貴遠寒乞盡說淵源玉溪李新  
詩二百四十七一十五人和白雪五代文章久蕪

鄙幸賴羣公爲洗屐江東三虎各鼎趾懷玉山人  
更殊絕金齏玉膾易牙調天下紛紛口皆悅一時

風氣趨雨禁未免人人懷勦說昔聞御筵俳優來

貌爲義山衣敗裂道是館職擗搯多一笑哄堂竟

誰失

古今詩話大年等倡爲西崑體後進效之多  
竊取義山語御宴百官有優人裝爲義山衣

甚敗裂告人曰爲諸館  
職擗搯至此聞者大噱當年作法本未良獺祭分

明事剽竊學之不善洵有此誰信青皆自藍出世

上難爲西子顰人間不少嬰兒舌我知其弊憐其

佳此中豈許容凡才豪門貴室目偶觸金玉錦繡

工安排美人麤服亂頭亦自好畢竟明妝勝草草

枯松怪石稱奇雄畢竟不如牡丹蘭蕙含春風從  
古詩人賤繁縟我道成家總堪學君不見韓碑足  
冠義山詩不是集中真面目

又和集中詩七首

始皇

閣道高連複道斜旗開五丈建流霞韓人早奪沙  
中魄徐市能成海上家萬世不傳徒暴虐三泉雖  
錮尙繁華底須苦恨湘山樹周鼎依然在水涯

漢武

消得金莖露一杯蜚廉桂觀總崔嵬十年瓠子君

王塞萬里焉支大將回方士屢傳刀下死歲星誰  
識戟邊來江都策後輪臺詔終始人知漢主才

南朝

秣陵金粉付寒流眺盡巖城舊石頭一井燕支天  
子辱滿臺花雨法王愁無多事業歸江表不負文  
章是選樓壁月瑤枝空復爾何人還唱後庭秋

明皇

雲棧西來萬里遙鑿輿行處雨瀟瀟位傳睿肅會  
同轍政判開天似兩朝剪髮又回妃子寵賜錢誰  
洗祿兒驕新舊唐書皆無洗兒事可憐寒族恩難洽李相干



年罪不消

宋玉

蕭瑟瑟秋氣已深沉  
沅蘭湘芷自沈沈  
長開一世微辭口  
難解三年好色心  
神女雲來空入夢  
大王風起共披襟  
靈均只在江潭畔  
莫負招魂弟子吟

公子

宴罷明燈曉未收  
東風吹冷紫貂裘  
生來歌舞無閒日  
看到衣冠總舊遊  
座上珍珠門客履  
樓前紅粉美人頭  
金張許史休相妒  
不是當年恩澤侯

舊將

大樹迴風破陣餘，壯心猶是憶儲胥。  
金瘡痛定完膚少，鐵甲寒銷戰壘虛。  
事去山南空射虎，時閒湖畔好騎驢。  
匣中血繡龍泉劍，賸有長虹氣未除。

寒宵

眠眠人空坐迢迢，漏正長牕深燈暈綠。  
天迴月波黃對酒，生離緒吟詩憶老蒼。  
雁寒休自訴我亦在他鄉。

謝張友棠

本

秀才見贈

我生無田鶴無料，久住揚州鶴皆弔。  
他年豈望流寓傳，此日難爲旅人笑。  
索米早苦長安飢，戴笠空

嘲飯顆貌長貧室鬼掌屢撫得句生龍尾時掉心  
虛敢作夜郎大氣憚不向滄洲做鷺鳩力捨榆枋  
飛蒼蠅聲鑽牕紙鬧雕蟲每嫌技太薄畫虎又愁  
形未肖豈能擲金地有聲但覺鍊剛指難繞文章  
誰信口作繡瘢垢時憐面成炮蕪城東南大都會  
執耳騷壇名盡耀萬公每來峽邛倚地主時成蚘  
魚釣樓頭月照庾公筵山上風吹孟嘉帽楊柳橫  
江一笛飛黃河畫壁雙鬟妙傳牋急遞銅鉢響聯  
句細聞石鼎竅羣才有若萬馬騰賤子真如一蟬  
噪邯鄲善步焉可學西子工顰豈能效譬如窮者

入富室所遇皆奇足  
踰蹕珊瑚七尺坐上碎明珠  
十枚乘後照甘寧  
割繪棄滿路郭況藏金積成窖  
胡椒八百用斛量  
珠履三千看客踏爲王疑對陳  
涉歎得雉幾同劉毅叫乞兒  
搬枕自嫌陋貧士市  
瓜安免請又如小勇見大敵  
兩兵未交氣已剽偏  
陽斷布三軍徇莒師絕縋  
一城譟雩門陣上臯比  
蒙孤延馬前雷火燎  
十盪十決揚彼威七縱七擒  
扼其要敬則撫髀過虎幢  
羊侃橫行踏堯廟氣矜  
之隆孰可當碎易而退  
吾其趨自分方同井底  
窺好事偏窺管中豹  
吾宗耽吟有獨嗜佳句知音許

同調風人反辱瓊玖投秦客先蒙乘韋犒雖非燕  
石少真賞終恐瘡痂成癖好況復賦命久蹇滯頗  
怪頻年打毘毘難吹南郭一人竿虛卜華山六回  
琰全家蹤跡類踰淮半世心情無媚竈感君至意  
莫與訓顧我虛聲恐純盜欲將雌霓示王筠更袖  
詩篇儼然造

櫻筍圖爲葛丹井廣文題

唐時長安四月候宰相堂餐及百司食廚皆得號  
櫻筍公餽盛每逾常時冷官平日飽苜蓿都說廣  
文飯不足那得逢時恣口腹先生大笑此意俗若

使有櫻復有筍二者相兼成我獨有櫻卽是華林  
園有筍卽是貧簞谷萬顆勻開西蜀籠千畝饒消  
渭濱竹鳥爪拈垂曉露紅鴉鉏斲破春泥綠已教  
一一致熊魚絕勝紛紛厭梁肉旣不必赤盤擎對  
中使嘗食愁內熱思蔗漿更不必夏侯買竹五十  
萬硬差致仕涪翁勸但從林下擷芳鮮節物常看  
首夏前伐櫻久怪蕭穎士送筍或如沈道虔披圖  
我正鄉愁積俊味分明經歲隔未許風懷咏帳珠  
且學吳兒煮牀糞

待雪

牕影模糊澹不分幾回天際看同雲冷光入竹凝  
千个寒陣催鴉過萬羣石鼎乍消煙漠漠玉階先  
掃葉紛紛防他飛絮侵衣濕穩放重簾護夕熏

聽雪

迴風吹舞太縱橫入夜時聞靜裏聲折竹定知妨  
徑窄堆檐常覺墮階平濕融牕紙春痕重寒壓花  
梢鳥夢驚猶有門前沽酒客一雙金屐碎瑤瓊

煮雪

風前乍見石鐙安收取飛糞滿斛看肪玉截來膏  
欲動爛銀鎔處液初殘氣蒸巫峽三春暖色映峨

嶠六月寒比似曠州甜味好花瓷愛試露芽團

掃雪

趁曉羸童縛帚來不教積素尙盈堆拂殘花片從  
誰惜臘到鞦韆痕亦自猜未免有情憐碎玉更嫌多  
事損寒苔故人莫怪袁安臥笑指衡門兩版開

作客歎

朔風飛漫漫風來吹滿闌遊子中夜衣裳單非風  
雪之爲虐爾生本寒

一解

然看眼枯補瘡肉無貧

家之災誠剝膚家貧猶是可作客愁殺我當時有  
計何不果

二解

曰歸曰歸歸故鄉故鄉有路不過



千里長難不必如蜀道險不必如太行無枝可依

空彷徨故鄉之人孰計將故鄉雖有人袖手觀其

有三解

府中趨謁貴人貴人氣體如天神埽門候

之顏始親寒士有請再拜陳貴人領以首寒士下

階走莫瀆貴人再開四解入不聞貴人命出不

聞貴人令遲之又久竟不應詢之貴人貴人已忘

貴人生富貴安知世有餬口忙五解故人在江東

赫赫居上游奉書與故人卑詞有所求得書不答

心恥其儔謂我雲爾泥而豈爲爾謀六解我歌式

微胡爲中露長此浮家去不復顧雖不復顧奈此

邱墓

七解

高邁菴表弟赴泰安之聘道出邗江贈別

三首兼簡久之明府

好風江南來吹送故鄉人故鄉人可喜況我中表

親昔我居里巷招君作嘉賓

癸巳甲午君皆館子舍

君方年

華盛我亦科名新飛牋共朝夕聯袂過冬春深談

每率臆雅謔或反唇此樂不可再此意難具陳我

初客揚州其歲在丙申冉冉年十六長懷躡旅貧

旅貧猶是可無乃傷離羣離羣猶是可惜君手屢

分我旣落魄久君復罷甦頻飢寒鍊瘦骨相對皆

嶙峋忽辭浙江湖遠探嶽麓雲知君有壯懷豈肯  
傷其神昨歲暫還家小住西湖濱爲我圖思歸令  
我鄉愁紛君爲子畫  
思歸圖我歸猶緩緩君行又駢駢相  
見在路旁何以慰風塵

我昔登泰岱高與天門通三百八十丈矗立青芙  
蓉危梯十八盤盤盤在虛空天風不許住吹我墮  
冥濛白雲不許去來時徑路封去住兩不可竟上  
蓬萊宮垂頭看飛鳥引手攀虬龍自詡有仙骨豈  
識塵土容長歌紀遊蹟傲氣凌蒼穹昂首而題石  
欲奪摩崖功惜我不能畫只憑詩句工至今三年

來夢落雲霧叢君今擅雙絕此去摩秦松寄我一  
幅畫挂在空堂中寄我一卷詩健筆看誰同明年  
共君遊長嘯滄溟東

公子何翩翩壯歲秉玉節專城大道旁意態雄且  
傑此邦稱赤緊撫字勞政術往來供帳繁歲月無  
虛設其才如泉源不使有時竭李常號循良劉籠  
數廉潔至今慈惠聲喜聽父老說驕氣不上而譽  
士每奮舌生來好賢意往往心易折況復如君才  
相逢定膠漆賤子沾葭葦尤爲所親暱愛我文章  
工憐我性情拙念我浮萍蹤資我兼金鑑平生知

己感屢向親知述三年不相見此意常切切君如  
晤面時爲我訴離別

久之明府禱雨泰山邁菴表弟畫岱雲圖  
并賦長歌爲贈明府郵書索和亦寄一篇  
商羊不舞蟊蟲躁旱氣當空赤輪曜

九重宵旰念民依疊下天邊十行 詔恤刑蠲賦  
恩屢施還對盈廷徵感召臣工內外盡奔走禱向  
蒼蒼齊舞蹈泰山使君本愛民請天三日尤踰跋  
焚巫澣酒久不屑惟以誠意供明禋豐隆曉起忽  
命駕曾說崇朝徧天下西郊仍得小畜占想有乖

龍行雨怕昔聞禱雨亦有法畫水畫魚竹枝插不  
如墨汁傾一壺寫出山中膚寸合高君故是撻雲  
手寒色常生十指甲淋漓元氣訴真宰會見虛堂  
雷電挾我昨憑眺江上頭江雲黯黯排空浮浪浪  
四野雨勢密入街但見波濤流南中夏初亦少雨  
至此足解農夫愁天公膏澤必周普北地亦復霑  
青疇使君看雲定志喜妙畫通靈竟如此緊誰之  
力不敢私此惠終歸

聖天子

送兒裴歸浙秋試

昔我少司馬弱冠歌鹿鳴翩翩鄉貢郎戚黨稱俊  
英來年上玉堂望之如鷓鴣從此乘長風掉臂天  
門行致身在侍從歷官居貳卿文章不脛走海內  
皆知名

天子畀玉尺命之掌文衡出入五持節所至人才  
成秦楚豫章開柳雪皆王程至今遺集中可以  
按平生方當鄉舉歲壬子秋崢嶸距今六十年周  
甲已一更適逢賓興典多士又合并脫口道干支  
令我心爲忤我曾充計偕其年歲在庚落魄廿餘  
載徒能抱硜硜馬齒日以長蝸角日以營所望後

起賢當爲繼家聲讀書不萬卷焉可與命爭世人  
氣倖取彼此相憑陵一旦倖獲選居然青雲升自  
謂得操縱遂欲驕其朋不知目五色往往迷真形  
汝如城南苻勵志在青燈送汝挾策去願汝拔幟  
登科名有先後庶幾祖武繩老桂生月中萬古蟠  
根靈秋風倘重來還發當時馨

夏日曉起卽事

殘夢流離簟微涼宛轉屏月沈牆角白露洗竹梢  
青當檻簾初卷披衣扇乍停遙憐湖上路香滿藕  
花汀

西湖裏六橋每夏月曉過其地風荷萬柄香沁心脾自去故鄉久不見此景矣爲之惘然



岳祠銅爵歌

并序

桐鄉金少權

德真

得銅爵一高五寸六

分深二寸七分口徑長四寸五分闊二寸三分腹容四合重五百十四銖中鐫精忠報國四字左側有小印曰岳珂建造按宋孝宗卽位首雪忠武之冤復官賜諡其孫珂始得鑄祭器宋亡悉埋土中明神宗時得自諸暨山歸奉金陀坊第之家廟此爵蓋其一也舊藏汪明府

原

家後歸金主人作圖并說徧徵詩文

因作長歌以詠其事

生不飲黃龍府死不返汴京土區區爵中一滴酒  
酌向西湖竟何補銅爵流傳汪復企主人作圖心  
所欽我但見圖未見爵已覺典重如璆琳爵高五  
寸還餘六二寸七分深其腹精忠字向口內鐫若  
色應篆文緣想見褰裳示涅痕痛剗忠臣背上  
肉岳珂小印尙分明祭器留遺惟此獨何年輾轉  
向人閒令我紛然增感觸背嵬軍麻扎刀拐子馬  
破烏珠逃狼藉輜重邱山高兩河豪傑迎風邀朱  
仙兵氣干雲霄龍虎懼伏不敢驍箠食壺漿相迎

招神京咫尺聞柝敲三年何待鬼方克一日足破  
天山驕天子詔一紙三軍慟哭止宰相書一紙大  
將吞聲死何不學當年傅介子直斬樓蘭報漢使  
金牌雖下兵不還唾手中原雪大恥縱然功罪亦  
兩停快事先教冠青史胡爲苦就三字獄賫志孤  
忠竟如此手酌椒漿謁王廟再拜問王王欲笑書  
生但解論成敗後世無端作憑弔南山藁葬賈宜  
人不敢人前輕口道阜陵首政雪奇冤特下天邊  
追復詔賢孫俎豆奉世守從此春秋食其報須知  
此爵在當時龍勺雲鬯同照耀閱歷滄桑幾歲華

摩抄古物憑誰好金陀坊冷鬼神阿諸暨山空魑  
魅嘯君不見趙家陵墓早榛蕪寶氣又被妖髡盜  
玉盃終憐曉露零銅駝空見斜陽照燈檠去還將

淵聖猜飲頭更爲烏孫悼

烏孫宋理宗小字

金甌不及銅

爵完歲享猶傳後裔孝栖霞神宇久特建馬鬣干  
秋依廟貌此爵應歸湖上祠祀典煌煌敢輕掉肅  
然三獻神所歆故物重逢豈辭酬他年佳話徧吾  
鄉此意先爲主人告

盧學士抱經先生壬子重遊泮宮有詩紀

事寄呈四首

銀魚愛作碧山栖，猶向巖門認舊題。  
老鳳自依阿閣影，神駒先騁渥洼蹄。  
諸生簪紱春風後，學士聲名北斗齊。  
絕似勝遊誇萬里，初程回首未應迷。

一領青衫六十秋，錦袍相對記前由。  
繫鞵久嬾花甌步，扶杖重來泮水遊。  
文獻豈同徵杞宋，鼎彝誰復辨商周。  
當年濟濟稱多士，那識清華在上頭。

南面臯比擁百城，公時主毘陵龍城書院依然指點說蓬瀛。

達尊合就膠庠養，選士猶喧黨塾名。  
折角鹿知經義顯，渡河豕賴校讐精。  
公喜刻書校本最精縱教長把儒冠

戴，也是人間老伏生。

名壽應教一世推魯靈光殿鬱崔嵬漫言劉向題

書錄

公庠名嗣宗

真見溫公是秀才

溫公居洛以司馬出程伯休父每自

號程秀才見邵氏聞見錄

鏡裏芙蓉誰許並門前桃李舊同栽

鹿鳴他日傳佳話再看婆婆白髮來

屈指戊午公又重遇鹿鳴

矣

題嘉禾徐蘿屋停琴待月圖

涼秋如水行雲澀策策高梧栖暝色七條瘦玉乍  
停聲滿耳松風吹未息松風未息石牀冷金波浮  
浮光在頂素娥應識此時心有情漸上輕羅影昔  
聞李謫仙舉杯邀月月在天又問陶元亮不設徽

絃寄超曠先生有琴且不彈  
旁人錯擬無絃看  
先生有月却無酒  
坐對涼蟾不開口  
初疑學此兩古人  
其意或然事則否  
先生聞之定解頤  
吾豈有心吾亦偶  
月輪不惜早飛來  
來與幽人作三友  
須臾世界似琉璃  
合理冰絲重揮手  
莫教留待風雨時  
夜半狂蛟破空走